

資治通鑑補

資治通鑑補卷第二百六十

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀七十六

起二年
盡三年

昭宗聖穆景文孝皇帝上之下

乙乾甯二年春正月辛酉幽州軍民數萬以麾蓋歌鼓迎李克用

入府舍克用命李存審劉仁恭將兵略定巡屬

幽承瀛莫德博蔚
順義平新武等州

皆盧龍
遼屬也

癸亥朱全忠遣其將朱友恭圍兗州朱瑄自郟以兵糧

救之友恭設伏敗之於高梧

高梧卽春秋魯國之高魚杜預注曰
高魚在東郡廣邱縣東南續漢志廉

郟有郟城
高魚城

盡奪其餉擒河東將安福順安福慶

己巳以給事中

陸希聲爲戶部侍郎同平章事希聲元方五世孫也

陸元方見二百五卷武后

長壽二年

壬申護國節度使王重盈薨軍中請以重榮子行軍司馬

珂知爾後事珂重盈兄重簡之子也重榮養以爲子

爲王珙王珂新河中張本

楊行密表朱全忠罪惡請會易定兗鄆河東兵討之 董昌將

稱帝集將佐議之節度副使黃碣曰今唐室雖微天人未厭齊桓
晉文皆翼戴周室以成霸業大王興於猷敵受朝廷厚恩位至將
相富貴極矣奈何一旦忽爲族滅之計乎碣甯外爲忠臣不生爲
叛逆昌怒以爲惑眾斥出之碣移書幕府李滔曰妾欲逆天僭號
以愚策之鍼可爲稍耶或竊其書示昌昌並滔斬之投其首于廁
中罵之曰奴賊負我好聖明時三公不能待而先求死也并殺其
家八十口同坎瘞之又問會稽令吳錄對曰大王不爲真諸侯以

傅子孫乃欲爲假天子以取滅亡邪昌亦族誅之又謂山陰令張

遜曰汝有能政吾深知之俟吾爲帝念汝知御史臺遜曰大王起

石鏡鎮

見二百五十三卷
德宗乾符五年

建節浙東榮貴近二十年何苦效李筠

劉闢之所爲乎浙東僻處海隅巡屬雖有六州大王若稱帝彼必

不從

合明溫處蔡衡浙東運屬也時蔡
傑並起各自爲刺史昌屢廢而已

徒守空城爲天下笑耳昌

又殺之謂人曰無此三人者則人莫我違矣二月辛卯昌被袞冕

登子城門樓卽皇帝位

考異曰吳越備史云癸卯昌潛號按會稽
錄昌自云應免子之謙欲以二月二日

歲取卯月卯日也而實錄長曆皆云二月己丑朔非當
時歷誤卽今日歷要之昌必以二月辛卯日前號

悉陳瑞物

於庭以示眾先是咸通末吳越間訛言山中有大鳥四目三足聲

云羅平天冊見者有殃民間多畫像以祀之及昌將僭號曰此書

鸞鷲也

鸞鷲鳳屬○
鸞鷲音岳澤

乃自稱大越羅平國政元順天

考異曰吳越
備史曰癸卯

昌濟得皇帝建元順天國號平年號或云天冊或云大聖皆非也
深隱撰吳越行營幕布曰羅平者啟國之名順天者建元之始
又曰將軍門稱天冊之樓以會府爲宣室之地明告我其所將曰
龍卽氣平國位昌狀印文曰順天治國之印十國紀年亦云年號
順天會稽錄云天冊蓋謀今從僞史署城樓曰天冊之樓令羣下謂己曰聖人以前

杭州刺史李遵前婺州刺史蔣瓌兩浙鹽鐵副使杜郢前屯田郎
中李瑜爲相又以吳瑤等皆爲翰林學士李暢之等皆爲大將軍
昌移書錢鏐告以權卽羅平國位以鏐爲兩浙都指揮使鏐遣昌
書曰與其閉門作天子與九族百姓俱陷塗炭豈若開門作節度
使終身富貴邪及今後悔尙可及也昌不聽鏐曰董氏於吾有恩
不可遽伐乃將兵三萬詣越州城下至迎恩門迎恩門越州城西門見昌再
拜言曰大王位兼將相奈何捨安就危鏐將兵此來以俟大王改
過耳若天子命將出師縱大王不自惜鄉里士民何罪隨大王族

滅平昌懼致犒軍錢二百萬執首謀者吳瑤及巫覡數人送於鏐

且請待罪天子鏐引兵還以狀聞鏐去而昌儼逆如故王重盈

之子係義節度使琪

王重盈先鍾快統王重榮爲其子所殺重盈代鏐河中以其子琪繼快統快統係義

軍羅州刺史瑤舉兵擊王珂

改正釋州元文誤作晉州

表言珂非王氏子與朱

全忠書言珂本吾家蒼頭不應爲嗣珂上表自陳且求援于李克

用上遣中使諭解之上重李谿文學乙未復以谿爲戶部侍郎

同平章事己酉朱全忠軍於單父爲朱友恭聲援李克用表

劉仁恭爲盧龍留後留兵戍之壬子遣晉陽媯州人高思繼兄弟

有武幹爲燕人所服克用皆以爲都將分掌幽州兵部下士卒皆

山北之豪也

媯州皆在幽州山北亦謂之山後

仁恭憚之久之河東兵戍幽州

者暴橫思繼兄弟以法裁之所誅殺甚多克用怒以讓仁恭仁恭

訴稱高氏兄弟所為克用俱殺之仁恭欲收燕人心復引其諸子

置帳下厚撫之

為仁恭叛克用張本

崔昭緯與李茂貞王行瑜深相結得

天子過失朝廷機事悉以告之邠甯節度副使崔鉉昭緯之族也

李谿再入相昭緯使鉉告行瑜曰邠者尚書令之命已行矣而韋

昭度沮之今又引李谿為同列相與熒惑聖聽恐復有杜太尉之

事

杜讓能事見上卷景福二年

行瑜乃與茂貞表稱谿姦邪昭度無相業立罷

居散秩上報曰軍旅之事朕則與藩鎮圖之至于命相當出朕懷

行瑜等論列不已三月谿復罷為太子少師王珙王璠請朝廷

命河中帥詔以中書侍郎同平章事崔胤同平章事充護國節度

使以戶部侍郎判戶部王搏為中書侍郎同平章事王珂李克

用之增也克用表重榮有功于國

言破黃巢賊襄王重榮皆有功也請賜其子珂

節鉞王珙厚結王行瑜李茂貞韓建三帥更上表稱珂非王氏子

請以珂爲陝州珙爲河中上諭以先已允克用之奏不許

爲三帥稱兵入

京城克用誅王璠討三帥張本

加王鎔兼侍中

庚午河東地震

楊行密浮

淮至泗州防禦使董濛盛飾供帳行密不悅旣行濛於臥內得補

綻衣馳使歸之

綻裂也亦補也

行密笑曰吾少貧賤不敢忘本濛甚慙行

密攻濠州拔之執刺史張璠行密軍士掠得徐州人李氏之子生

八年矣行密養以爲子

南唐世家曰李昇徐州人李榮之子榮遇亂不知所終昇少孤流寓濠州開揚行密

攻濠州得之養爲子

行密長子渥憎之行密謂其將徐溫曰此兒質狀性齷

頗異于人吾度渥必不能容今賜汝爲子溫名之曰知誥知誥事

溫甚謹安于勞辱或通夕不解帶溫每謂諸子曰汝輩事我能如

知誥乎嘗得罪于溫溫管而逐之及歸知誥迎拜于門溫問何故

猶在此知誥泣對曰人子捨父母將何之父怒而歸母人情之常也溫以是益愛之使掌家事家人無違言及長身長七尺廣額隆準修上短下精彩鑠人語聲清暢常緩行從者闊步不能及相工云此龍行虎步也喜書善射識度英偉行密常謂溫曰知誥俊傑諸將子皆不及也丁亥行密圍壽州 上以郊畿多盜至有踰垣入宮或侵犯陵寢者欲令宗室諸王將兵巡警又欲使之四方撫慰藩鎮南北司用事之臣恐其不利于己交章論諫上不得已以四月下詔悉罷之 朝廷以董昌有貢輸之勤今日所爲類得心疾詔釋其罪縱歸田里 戶部侍郎同平章事陸希聲罷爲太子少師 楊行密圍壽州不克將還庚寅其將朱延壽請試往更攻一鼓拔之執刺史江從勛行密以延壽權知壽州圍練使未幾汴

兵數萬攻壽州州中兵少吏民恐懼延壽制軍中每旗二十五騎

命黑雲隊長李厚將十旗擊汴兵不勝延壽將斬之厚稱眾寡不

敵願誦兵更往不勝則死都押牙汝湯柴再用亦爲之請路振九

再用始名存事係儒與一小校結死友有告小校反儒斬之執存

至詰何故反不對又問對曰與被結死友彼反則某反公誅之復

何問焉儒奇之上汝果乃益以五旗厚殊死戰再用助之延壽悉

眾棄之汴兵敗走厚蔡州人也行密又遣兵襲漣水拔之泗州漣

水汴曰漢各猶縣宋白曰按存猶城今宿預縣也魏曰海安縣晉

爲宿預之境宋置東海郡後魏改海安郡隋廢郡置漣水縣

錢鏐表董昌僭逆不悅不可赦請以本道兵討之太傅門下侍

郗同平章事韋昭度以太保致仕戊戌以劉建鋒爲武安節度

使建鋒以馬殷爲內外馬步軍都指揮使爲馬殷代建鋒張本河東遣其

將史儼李承嗣以萬騎馳入於郗朱友恭退歸于汴是月蘇州

大雨雪 五月詔削董昌官爵委錢鏐討之 初王行瑜求尙書

令未獲由是怨朝廷畿內有入鎮兵隸左右神策軍郃陽鎮近華

州韓建求之郃陽漢縣唐屬同州九域志縣在州東一百二十里長原鎮近邠州王行瑜求

之長原縣志宦官曰此天子禁軍何可得也及王珂王珙爭河中行

瑜建及李茂貞皆爲珙請不能得恥之珙使人語三帥曰珂不受

代而與河東婚姻必爲諸公不利請討之行瑜使其弟匡國節度

使行約攻河中時以同州爲匡國平九域志同州東至河中七十五里珂求救于李克用行

瑜乃與茂貞建各將精兵數千入朝甲子至京師坊市民皆竄匿

上御安福門以待之三帥盛陳甲兵拜伏舞蹈于門下上臨軒親

詰之曰卿等不奏請俟報輒稱兵入京城其志欲何爲乎若不能

事朕今日請避賢路行瑜茂貞流汗不能言獨韓建竄述入朝之

由上與三帥宴三帥奏稱南北司互有朋黨釀素朝政韋昭度削
西川失策李谿作相不合眾心請誅之上未之許是日行瑜等殺
昭度谿于都亭驛又殺樞密使康尙弼及宦官數人又言王珂王
珙嫡庶不分請除王珙河中徙王行約於陝王珂於同州上皆許
之始三帥謀廢上立吉王侑至是聞李克用已起兵於河東行瑜
茂貞各留兵二千人宿衛京師與建皆辭還鎮貶戶部尙書楊堪
爲雅州刺史堪虞卿之子昭度之舅也初崔胤除護國節度使
河東進奏官辭志勤揚言曰崔公雖重德以之、王珂不若光德
劉公于我公厚也光德劉公者太常卿劉崇望也光德里名在長安城中唐末大
臣有時望者時人率以其所居里稱之光德坊及三帥入朝聞志
朱雀街西第三街北來第六坊京兆府在焉勤之言詎崇望昭州司馬李克用聞三鎮兵犯關卽日遣使十三

釐發北部兵

北部兵代北諸蕃落兵也

期以來月渡河入關

六月庚寅以錢

鏐爲浙東招討使鏐復發兵擊董昌 辛卯以前均州刺史孔緯

繡州司戶張潛竝爲太子賓客壬辰以緯爲吏部尙書復其階爵

癸巳拜司空兼門下侍郎同平章事以張潛爲兵部尙書諸道租

庸使

孔緯張潛見二百五十八卷大順元年

時緯居華州潛居長水上以崔昭緯等

外交潛鎮朋黨相傾思得骨鯁之士故驟用緯潛緯以有疾扶輿

至京師見上涕泣固辭上不許 李克用大舉蕃漢兵南下上表

稱王行瑜李茂貞韓建稱兵犯闕賊害大臣請討之又移檄三鎮

行瑜等大懼克用軍至絳州刺史王瑤闕城拒之克用進攻旬日

拔之斬瑤於軍門殺城中違拒者千餘人秋七月丙辰朔克用至

河中王珂迎謁於路匡國節度使王行約敗於朝邑戊午行約棄

同州走己未至京師行約弟行實時爲左軍指揮使帥眾與行約

大掠西市

朱雀街西謂之西市

行實奏稱同華已沒沙陀將至請車駕幸邠

州庚申樞密使駱全瓘奏請車駕幸鳳翔上曰朕得克用表尙駐

軍河中就使沙陀至此朕自有以枝梧卿等但各撫本軍勿令搖

動右軍指揮使李繼鵬茂貞假子也

程大昌雍錄曰北軍左右兩軍皆在苑內左三軍在內東

苑之東大明宮苑東也右三軍在九仙門之西九仙在內東苑之西北角左三軍左神策左龍武左羽林軍也右三軍右神策右龍

武右羽林軍也余按班經所云左右六軍代德以後宿衛者也僖宗廣明幸蜀此六軍潰散田令孜於成都募新軍五十四部分屬

左右神策軍自時厥後凡所謂左右軍者皆此軍也分營于京城內外又不專在苑中若此時王行實李繼鵬爲左右軍指揮使疑

是邠岐二帥所募兵以宿衛者自分爲左右也本姓名閻珪與駱全瓘謀劫上幸鳳翔中

尉劉景宣與王行實知之欲劫上幸邠州孔緯面折景宣以爲不

可輕離宮闕向晚繼鵬連奏請車駕出幸於是王行約引左軍攻

右軍鼓譟震地上聞亂登承天樓欲諭止之捧日都頭李筠將本

軍於樓前侍衛李繼鵬以鳳翔兵攻筠王行勣以李繼鵬欲先劫

鵬當與行勣戰而乃攻李筠者以筠術上不得而劫幸也矢拂御衣著於樓楹左右扶上下樓

繼鵬復縱火焚宮門煙炎蔽天時有鹽州六都兵屯京師鹽州六

德昭等所領兵也素爲兩軍所憚上急召令入衛旣至兩軍退走各歸邠

州及鳳翔城中大亂互相剽掠上與諸王及親近幸李筠營護蹕

都頭李居實帥眾繼至護蹕都即扈蹕都或傳王行瑜李茂貞欲自來迎

車駕上懼爲所迫辛酉以筠居實兩都兵自衛出啟夏門啟夏門

南面東來趣南山宿莎城鎮莎城鎮在長安城南近郊之地也士民追從車駕者

數十萬人比至谷口喝死者三之一谷口南山夜復爲盜所掠哭

聲震山谷時百官多扈從不及戶部尙書判度支及鹽鐵轉運使

薛王知柔獨先至

知柔薛王業之曾孫

上命權知中書事及遣順使

壬戌

李克用久同州

崔昭緯徐彥若王搏至莎城甲子上徙幸石門

鎮命薛王知柔與知樞密院劉光裕還京城制置守衛宮禁丙

寅李克用遣節度判官王瓌奉表問起居丁卯上遣內侍郝廷昱

齋詔詣李克用軍令與王珂各發萬騎同赴新平

並籍平以討上
行瑜邢州新平

又詔彭義節度使張鐠以涇原兵控扼鳳翔李克用遣兵攻華

州韓建登城呼曰僕於李公未嘗失禮何爲見攻克用使謂之曰

公爲人臣逼逐天子公爲有禮孰爲無禮者乎會郝廷昱至言李

茂貞將兵三萬至整屋王行瑜將兵至興平皆欲迎車駕克用乃

釋華州之圍移兵營渭橋

考異曰唐太祖紀年錄王師攻華州俄
而郝廷昱至且言茂貞領兵三萬至整

屋行瑜領軍至興平欲往石門迎駕乃解華圍進營渭橋按實錄
八月延王戒不至河中克用已發前鋒至渭北己丑克用進營渭

橋又紀年錄載詔曰省表已部領大軍前月一十七日解河中蓋克用不親圍華州但遣別將將兵往及聞郃岐謀迎駕乃遣華兵詣清橋即所謂前鋒者也克用既以七月二十七日離河中戒不至彼必在其前實錄云八月至中河誤也今從紀年錄以辭

王知柔爲清海節度使

是年賜嶺南節度使軍額曰清海

同平章事仍權知京兆

尹判度支充鹽鐵轉運使俟反正日赴鎮上在南山旬餘士民從

車駕避亂者日相驚曰郃岐兵至矣上遣延王戒丕詣河中趣李

克用令進兵

延王郃元宗子戒丕其後也

壬午克用發河中上遣供奉官張承

業詣克用軍承業同州人服奉使于克用因留監其軍

爲張承業盡心於李

克用父

子讓本己丑克用進軍渭橋道其將李存貞爲前鋒辛卯拔水滸

又遣史儼將三千騎詣石門侍衛癸巳遣李存信李存審會保大

節度使李思孝攻王行瑜黎園寨

黎園寨在京兆雲陽縣九域志黎園在華州西北九十里考異

曰莊宗州傳曰三鎮亂長安李存信從太祖入關以前軍先自夏陽度河攻同華關邑下之時太祖在渭北伶官輩小或勸太祖入

朝自罷兵柄太宗亦以全忠討已朝廷不能斷小破有望月餘不
道軍有信與蓋萬樂間密啟曰大王家世效忠此行討逆止爲邪
國不臣但令臣節爲天下所知卽三賊不足平也而悠悠之徒不
達大體或以弗詢之畫荷台台情對併僞之言不宜縱其如此京
師咫尺天聽非遙實無益于英德也今三凶正蹙須速圖之舉國
變生無空猶費太祖曰公言是也卽日出師下黎團特按克用謀
大事固非伶官所繫又實錄已丑克用進營謂橋突已克黎國中
間四日耳無月餘不進事且既云羣小勸入朝卽當詣行在不當
置謂北此特李存信之人擒其將王合陶等獻於行在思孝本姓
欲歸功于存信耳今不取

拓跋思恭之弟也李茂貞懼斬李繼鵬傳首行在

李茂貞委劫乘與之罪于繼鵬

上表請罪且遣使求和于克用上復遣延王戒丕丹王允諱克用

丹王進代宗子允其後也

令且赦茂貞併力討行瑜俟其殄平當更與卿護之

且命二王拜克用爲兄以前河中節度使崔胤爲中書侍郎同

平章事八月戊戌削奪王行瑜官爵癸卯以李克用爲邠甯四

面行營都招討使保大節度使李思孝爲北面招討使定難節度

使李思諫爲東而招討使彰義節度使張鐔爲西而招討使克用

遣其子存勸詣行在

李存勗始此

年十一上奇其狀貌撫之曰兒有奇

表方爲國之棟梁他日宜盡忠於吾家克用表請上還京上許之

令克用遣騎三千駐三橋爲備禦辛亥車駕還京師子子司空兼

門下侍郎同平章事崔昭緯罷爲右僕射以護國留後王珂虛

龍留後劉仁恭各爲本鎮節度使

李克用之志也

時宮室焚毀未暇完

葺上寓居尙書省百官往往無袍笏僕馬以李克用爲太師兼

中書令邠甯四面行營都統九月癸亥司空兼門下侍郎同平

章事孔緯等繕器志方雅疾惡如讎皆爲御史中丞中外不繩而

自肅及爲宰相挺然獨立秉禮不同雖熈濟悍將權勢熏灼未嘗

假以恩禮至是從駕至葭城以病還都家人請召醫緯曰天下方

亂何久求生不可服藥而薨 辛未朱全忠自將擊朱瑄戰于梁

山新志鄆州壽張縣有刀梁山水經 瑄敗走還耶 李克川急攻

山莊梁山在壽張縣濟水經其東 黎國王行瑜求救于李茂貞茂貞遣兵萬人屯龍泉鎮

九域志鄆州三水縣 有龍泉鎮 自將兵三萬屯咸陽之旁克用請詔茂貞歸鎮仍削奪

在州東北 其官爵欲分兵討之上以茂貞自誅繼鵬前已赦宥不可復削奪

誅討但詔歸鎮仍令克用與之和解以昭義節度使李罕之檢校

侍中充邠甯四面行營副都統史儼敗邠甯兵於雲陽擒雲陽鎮

使王令誨等獻之 王建遣簡州刺史王宗瑤等將兵赴難甲戌

軍於綿州 戴昌求救於楊行密行密遣泗州防禦使婁際攻蘇

州以救之 蘇州時馬錢攻之所以 且表昌引咎願修職貢請復

官爵又遺錢鏐書稱昌狂疾自立已畏兵諫 春秋左氏傳鬻拳強

諫楚子不從臨之以

兵執送同惡謂董昌執首謀者吳瑋及巫覡數人送于瑒也不當復伐之亦遣使詣昌趣

之朝貢 冬十月丙戌河東將李存貞敗邠甯軍于黎園北殺千

餘人自是黎園閉壁不敢出 貶右僕射崔昭緯為梧州司馬以

附邢魏國夫人陳氏才色冠後宮戊子上以賜李克用克用令

李罕之李存信等急攻梨園城中食盡棄城走罕之等邀擊之所

殺萬餘人克梨園等三寨獲王行瑜子知進及大將李元福等克

用進屯梨園庚寅王行約王行實燒涇州遁去九域志附州在涇州州一百二十五

里克用奏請以匡國節度使蘇文建為靜難節度使趣令赴鎮且

理甯州招撫降人以蘇文建代王行瑜也時邠州未下故令且治甯州 上遷居大內 朱

全忠遣都將葛從周擊兗州自以大軍繼之癸卯圍兗州 楊行

密遣甯國節度使田頔景福元年升宣歙團練使為甯國節度使潤州團練使安仁義

攻杭州鎮戍以救贛昌昌使湖州將徐淑會淮南將魏約共圍嘉

興錢鏐遣武頊都指揮使孫姚顧全武救嘉興破烏墩光福二寨

九域志湖州烏程縣有烏墩鎮淮南將柯厚破蘇州水柵 義武節度使王處存

斃軍中推其子節度副使邵爲嗣後處存性忠義黃巢之亂傷國

步傾危語輒流涕軍中義之愈爲之用李克用之收復京師皆處

存勸諭之力也及賊平王鐸差次興復功以收城破賊克用爲第

一勤王舉義處存爲第一處存臨事通變有大臣風易定介于幽

鎮之間二鎮兵悍馬強侵軼歲至及李匡威得志謀并取之處存

內忠王室外結鄰好撫民以恩待士以禮故終能抗衝兩大保全

民社 以京兆尹武邑孫偃爲兵部侍郎同平章事 王行瑜以

精甲五千守龍泉寨李克用攻之李茂貞以兵五千救之營於鎮

資治通鑑補

卷二百六十一 唐紀七十六 十一 田蘭庭

西鎮之西也

李罕之擊鳳翔兵走之十一月丁巳拔龍泉寨行瑜

走入邠州遣使請降于李克用 齊州刺史朱瓊舉州降于朱全

忠爲朱瑾誘斬張本考異曰薛居正五代史梁紀瓊降及死皆在十一月拔龍泉寨十一月丁巳瓊遣軍將王自新奉檄歸義

王申瓊自來辛巳死今從之 瓊瑾之從父兄也 衢州刺史陳儒卒弟岌代之

李克用引兵逼邠州王行瑜登城號哭謂克用曰行瑜無罪迫

殺蔡輿皆李茂貞及李繼鵬所爲請移兵問鳳翔行瑜願束身歸

朝克用曰王尙父何恭之甚王行瑜賜號尙父僕受詔討三賊臣謂王行瑜李茂

貞韓建也公預其一束身歸朝非僕所得專也丁卯行瑜挈族棄城走

克用人邠州封府庫撫居人命指揮使高爽權巡撫軍城奏趣蘇

文建赴鎮行瑜走至慶州境部下斬行瑜傳首京師先改三年王行瑜得前難

節至是朱瑱遣其將賀瓌柳存及河東將薛懷寶將兵萬餘人

而殊

朱瑱遣其將賀瓌柳存及河東將薛懷寶將兵萬餘人

襲曹州曹州降汴見二百五十八卷大順二年以解兗州之圍瓌濮陽人也丁卯全

忠自中都引兵夜追之比明至鉅野南及之中都漢平陸縣天寶元年改曰中都鉅野

漢古縣唐並屬鄆州九域志中都縣在州東南六十里鉅野縣在州南百八十里屠殺殆盡生擒瓌存懷

寶俘士卒三千餘人是日晡後大風沙塵晦冥全忠曰此殺人未

足耳下令所得之俘盡殺之庚午縛瓌等徇於兗州城下謂朱瑾

曰卿兄已敗何不早降 丁丑雅州刺史王宗侃攻拔利州執刺

史李繼鵬斬之王宗侃西川將李繼鵬鳳翔將朱瑾偽遣使請降於朱全忠全

忠自就延壽門下與瑾語延壽門蓋兗州城門也瑾曰欲送符印願使兄瓌

來領之辛巳全忠使瓌往瑾立馬橋上伏驍果驚懷進于橋下瓌

至懷進突出擒之以入須臾擲首城外全忠乃引兵還以瓌弟毗

為齊州防禦使殺柝存鮮懷寶聞賀玃名釋而用之 李克用旋

軍渭北 加靜難節度使蘇文建同平章事 蔣勛求爲邵州刺

史劉建鋒不許乾寧二年蔣勛棄州龍關以開劉建鋒之取長沙故道之以求邵州勛乃與鄧繼崇

起兵連飛山梅山蠻寇湘潭飛山蠻在邵州西北界今其山在靖州北十五里比諸山爲最高峻四面

絕壁千仞梅山蠻在潭州界未朝開爲安化縣在州西三百二十

里湘潭後漢湘南縣地吳分湘有潭陽縣天寶八年移治于洛

口因改名湘潭縣屬潭州十據邵州使其將申德昌屯定勝鎮定勝

城志在州南一百六十里東北界 以扼潭人 十二月甲申閩州防禦使李繼雍蓬州刺

史費存渠州刺史陳璠各帥所部兵奔王建三人皆鳳翔將 乙酉李克

用軍于雲陽 王建奏東川節度使顧彥暉不發兵赴難而掠奪

輜重遣瀘州刺史馬敬儒斷峽路請興兵討之戊子華洪大破東

川兵於楸林俘斬數萬拔楸林寨 乙未進李克用爵晉王用錫克用

之生在姪十三月載誕之夕其母甚危令族人市藥于厲門遇神

人教以率部人被甲持旄擊鉦鼓躍馬大噪環所居三周而止果

如所敘而生時紅光屬室白氣充庭井水暴溢及能言喜道軍
旅事年十二三便連射雙鳧至於樹葉針鋒皆能中之新城北有
壘天王像克川以酒酌之請與交戰卽應見天子加李罕之兼
破平持不出于壘間或如火聚或如龍形人皆異之

侍中以河東大將蓋寓領容管觀察使

領遠

自餘克川將佐子孫

竝進官爵克川性嚴急左右小有過輒死無敢違忤惟蓋寓敏慧
能揣其意婉辭裨益無不從者克川或以非罪怒將吏寓必陽助
之怒克川常釋之有所諫諍必徵近事爲喻由是克川愛信之境
內無不依附權與克川侔朝廷及鄰道遣使至河東其賞賜賂遺
先入克川次及寓家朱全忠數遣人問之及揚言云蓋寓已代克
川而克川待之益厚 丙申王建攻東川別將王宗弼爲東川兵
所擒顧彥暉裔以爲子戊戌通州刺史李彥昭將所部兵二千降
於建

通州今之澤州李彥昭亦鳳翔將

李克川遣掌書記李襲吉入謝恩密言

於上曰比年以來關輔不甯

關謂清涼隴蜀藍田諸關輔謂三輔關內卽漢三輔之地乘此勝

勢遂取鳳翔一勞永逸時不可失臣屯軍渭北專俟進止上謀于

貴近或曰茂貞復滅則沙陁大盛朝廷危矣上乃賜克用詔褒其

忠款而言不臣之狀行瑜爲甚自朕出幸以來茂貞韓建自知其

罪不忘國恩職貢相繼且當休兵息民克用奉詔而止旣而私於

詔使曰觀朝廷之意似疑克用有異心也然不去茂貞關中無安

甯之日又詔免克用入朝將佐或言今密邇闕庭豈可不入見天

子克用猶豫未決蓋寓言於克用曰擲者王行瑜輩縱兵狂悖致

懸輿播越百姓奔散今天子還未安席人心尚危大王若引兵度

渭竊恐復驚駭都邑人臣盡忠在於勤王不在入覲願熟圖之克

用笑曰蓋寓尙不欲吾入朝況天下之人乎乃表稱臣總帥大軍

不敢徑入朝覲且懼部將士卒侵擾渭北居人辛亥引兵東歸表

至京師上下始安詔賜河東士卒錢三十萬緡克用既去李茂貞

驕橫如故河西州縣多爲茂貞所據河西州涼州以其將胡敬璋

爲河西節度使 朱全忠之去兗州也朱瑄死而全忠遷畱葛從周將兵

守之朱瑾閉城不復出從周將還乃揚言天平河東救兵至引兵

西北邀之夜半潛歸故寨瑾以從周精兵悉出果出兵攻寨從周

突出奮擊殺千餘人擒其都將孫漢筠而還 加鎮海節度使錢

鏐兼侍中 彰義節度使張鐸鐸音以其子璉權知畱後 朱

瑄朱瑾屢爲朱全忠所攻民失耕稼財力俱弊告急於河東李克

用復遣大將史儼李承嗣將數千騎假道于魏以救之 安州防

禦使宣晟與朱全忠親吏蔣元暉有隙恐及禍與指揮使劉士政

兵馬監押陳可璠將兵三千襲桂州殺經略使周元靜而代之

安白

州遠峽桂州而克之者江湘賊邑荒殘守兵單弱

道無邀截之患桂人不意其至遂殺其帥而代之

璠手刃之推士政知軍府事可璠自爲副使詔卽以士政爲經略使元暉吳人也

爲劉陳又爲馬殿所併張本

丙辰乾甯三年春正月西川將王宗夔攻拔龍州殺刺史田昉

此時龍州

常屬李拔貞

丁巳劉建鋒遣都指揮使馬殷將兵討蔣勛攻定勝寨

破之辛未安仁義以舟師至湖州欲度江應蘆昌

安仁義自潤州以舟師至

湖州何從而度江哉蓋欲自湖州舟行入柳

浦而度西陵耳然錢鏐在坑未容得至西陵

錢鏐遣武勇都指揮使顧全武都知兵馬司許再思守西陵仁義不能度昌遣其將湯

曰守石城

會稽志石城山在山陰縣東北三十里

袁州守餘姚

閏月季克用遣蕃

漢都指揮使李存信將萬騎假道于魏以救兗鄆軍于莘縣朱全

忠使人謂羅宏信曰克用志吞河朔師還之日貴道可憂存信戰
眾不嚴侵暴魏人宏信怒發兵三萬夜襲之存信軍潰退保洛州
喪士卒什二三委棄資糧兵械萬數史儼李承嗣之軍隔絕不得
還宏信自是與河東絕專志於汴全忠方圖克鄆長宏信議其後
宏信每有贈遺全忠必對使者北向拜受之曰六兄於子倍年以
長固非諸鄰之比羅宏信第六記曲禮
年長以倍則父事之宏信信之全忠以是得專
意東方存信之敗走也部將李嗣源獨殿而還敗軍賴之克用乃
以嗣源所將五百騎號橫衝都 丁亥果州刺史周雄降于王建
宋白曰果州南充郡對璋初分嘉江已上置巴郡理此建安六年
璋改郡爲巴西徙理閬中今郡在嘉陵江之西魏平蜀于今州北
三十七里石苟頃置南宕渠郡其縣亦移就郡理隋廢郡併入閬
中復爲巴西縣地仍移巴西縣理安漢城開皇十八年改爲南充
縣唐武德四年分置果州以郡南八里有果山爲
名○頃音斬頃壤也與坭不同坭音具隈埽也 二月戊辰顧

全武許再思敗湯白於石城上用楊行密之請赦董昌復其官爵
錢鏐不從 以通王滋判侍衛諸將事

通王滋
宣宗子

朱全忠薦兵部

尚書張潛上欲復相之李克用表請發兵擊全忠且言睿朝爲相
臣則夕至闕庭京師震懼上下詔和解之 三月以天雄留後李
繼徽爲節度使 保大節度使李思孝表請致仕薦弟思敬自代

詔以思孝爲太師致仕思敬爲保大留後 朱全忠遣龐師古將

兵伐邠州敗耶兵於馬頰

馬頰禹隸九河之一也水經注濟水自
須昌縣北經魚山東左合馬頰水水首

受濟西北流歷安民山北又逕快城東又
東北邊魚山南又東注于濟曰馬頰口 遂抵其城下 己酉顧

全武等攻餘姚明州刺史黃晟遣兵助之董昌遣其將徐章救餘
姚全武擊擒之 夏四月辛酉河漲將毀滑州城朱全忠命決爲
二河夾滑城而東爲害滋甚 李克用擊羅宏信攻洹水殺魏兵

萬餘人進攻魏州 武安節度使劉建鋒既得志嗜酒不親政事

長直兵陳贍妻美建鋒私之贍袖鐵棍擊殺建鋒諸將殺贍迎行

軍司馬張佶爲副後佶將入府馬忽蹏齧傷左髀時馬殷攻邵州

未下佶謝諸將曰馬公勇而有謀寬厚樂善吾所不及真乃主也

乃以牒召之殷猶豫未行聽直軍將汝南姚彥章說殷曰公與劉

龍驤張司馬一體之人也 龍驤曰龍直軍事之軍將也劉建鋒張

力成軍以取湖今龍驤遇禍司馬傷髀天命人望舍公尙誰屬哉

殷乃使親從都副指揮使李俊攻邵州徑詣長沙 淮南兵與

鎮海兵戰于皇天湧 大江過昇州界沒以深廣自老鵝背涉白沙

橫闊三十餘里俗呼爲皇天湧是時淮南兵

既敗浙兵子皇天湧遂圍蘇州則非前所言皇天湧矣宋熙寧三

年崑山人鄭真上疏言水利謂長洲縣界有長蕩皇天湧其水上

承湖下通海正鎮海兵不利揚行密遂圍蘇州 錢鏐傳杜洪

畏楊行密之彊皆求援于朱全忠全忠遣許州刺史朱友恭將兵
萬人度淮聽以便宜從事 董昌使人覘錢鏐兵有言其彊盛者
輒怒斬之言兵疲食盡則賞之戊寅賁邠以餘姚降于鏐願全武
許再思進兵至越州城下五月昌出戰而敗嬰城自守全武等圍
之昌始懼去帝號復稱節度使 馬殷至長沙張偕肩輿入府坐
受殷拜謁已乃命殷升廳事以醜後讓之卽趨下帥將吏拜賀復
爲行軍司馬代殷將兵攻邵州 癸未蘇州常熟鎮使陸郢以州
城應楊行密虜刺史成及行密闕及家所蓄惟圖書藥物寶之歸
署行軍司馬及拜且泣曰及百口在錢公所失蘇州不能死敢求
富貴願以一身易百口之死引佩刀欲自刺行密遽執其手止之
館于房舍其室中亦有兵仗行密每單衣詣之與之共飲膳無所

疑錢鏐聞蘇州陷急召顧全武使趨西陵備行密

既恐其得蘇而棄勝攻杭又恐

其自海道趨西陵也

全武曰越州賊之根本柰何

復蘇州鏐從之

淮南將朱延壽奄至浙州圍其城大將賈公鐸

方獵不得還伏兵林中命勇士二人衣羊皮夜入延壽所掠羊羣

潛入城約夜半開門舉火為應復衣皮反命公鐸如期引兵至城

南門中舉火力戰突圍而入延壽驚曰吾常恐其潰圍而出反潰

圍而入如此城安可猝拔乃自行密求軍中與公鐸有舊者持誓

書金帛往說之許以昏壽州團練副使柴再用請行臨城與語為

陳利害數日公鐸及刺史馮敬章請降以敬章為左都押牙

淮南左都

押牙

公鐸為右監門衛將軍

此是領事官僖宗光啟三年馬敬章陷蘄州至是降路展九國志曰賈

諱生子上蔡叔素宗體度淮遇故人馮敬章導之襲破蘄春推敬章為帥鏐為牙將壅城礮兵以自固

延壽進拔光

州殺刺史劉存

陽行密自此全
有淮南之地

丙戌上遣中使詣梓州和解兩

川王建雄奉詔還成都然猶連兵未解 崔昭緯既貶復求救于

朱全忠戊子遣中使賜昭緯死行至荆南追及斬之 中外咸以爲

快 荆南節度使成汭與其將許存沂江略地盡取濱江州縣武

泰節度使王建肇棄黔州收餘眾保豐都

豐都漢巴郡枳縣地後
漢置平都縣因山以名

江置豐都縣唐屬忠州九域志在州西九十里 存又引兵西取渝

涪二州汭以其將趙武爲黔中畱後存爲萬州刺史汭知存不得

志使人詞之曰存不治州事日出蹴鞠汭曰存將逃走先勻足力

也遣兵襲之存棄城走其眾稍稍歸之屯于茅垠

蜀人謂平川爲
垠宋白曰渝州

江津縣有
茅垠驛

趙武數攻豐都王建肇不能守

文德元年王建肇
討黔中節今敗走與存

皆降于王建建忌存勇略欲殺之掌書記高燭曰公方總攬英雄

以圖霸業彼窮來歸我奈何殺之建使戍弔州陰使知蜀州王宗
綰察之宗綰密言存忠勇謙謹有良將才建乃捨之更其姓名曰
王宗播而宗綰竟不使宗播知其免己也宗播元從孔目官柳修
業每勸宗播慎靜以免禍其後宗播爲建將遇曠敵諸將所置者
以身先之及有功輒稱病不自伐由是得以功名終 甲午夜顧

全武急攻越州乙未旦克其外郭董昌猶據牙城拒之戊戌鏖遭
昌故將駱闢給昌云奉詔令大王致仕歸臨安昌乃送牌印出居

清道坊 今越州牙城外東南
舊有橋曰清道橋 己亥全武遣武勇都監使吳璋以舟

載昌如杭州至小江南斬之 陳新書董昌傳小江西江也蓋錢清
江也源出諸暨縣界東流過錢清鎮

又東入于海去越州四十五里又西至杭州 并其家二百餘人宰
八十里光啟二年董昌得越州至是而亡

相李邕將瓊以下百餘人昌在圍城中食吝日甚口率民間錢帛

計口而減戰士糧及城破庫有金帛雜貨五百間倉有糧三百萬

斛錢鏐傳昌首于京師散金帛以賞將士開倉以賑貧乏李克

用攻魏博侵掠徧六州魏博貝衛澶相六州朱全忠召葛從周於鄆州使將

兵營洹水以救魏博留龐帥古攻鄆州六月克用引兵擊從周汴

人多鑿坎於陳前戰方酣克用之子鐵林指揮使落落馬涸坎而

躓汴人生擒之考異曰唐太祖紀年錄薛房正五代史武皇紀實錄捨落著皆在七月葛從周李存信傳在五月今

從梁太祖紀克用自往救之馬亦躓幾為汴人所獲克用顧射汴將一

人斃之乃得免克用請修好以贖落落全忠不許以與羅宏信使

殺之克用引軍還葛從周自洹水引兵濟河屯于揚劉復擊鄆及

兗耶河東之兵戰于故樂亭破之兗鄆屬城皆為汴人所據屢求

救于李克用克用發兵赴之為羅宏信所拒不得前兗鄆由是不

振 初李克用屯渭北

謂自邠甯還屯渭北時也

李茂貞韓建憚之事朝廷禮

甚恭克用去二鎮貢獻漸疏表章驕慢上自石門還於神策兩軍

之外更置安聖捧宸保甯宣化等軍選補數萬人使諸王將之嗣

延王戒丕嗣尊王嗣周又自募麾下數千人茂貞以爲欲討己語

多怨望嫌隙日構茂貞亦勒兵揚言欲詣闕訟冤京師士民爭亡

歷山谷上命通王滋及嗣周戒丕分將諸軍以備近畿戒丕屯三

橋茂貞遂表言延王無故稱兵討臣臣今勒兵入朝請罪

考異曰薛居正

五代史五月制授茂貞東川節度使仍命通王崇王治禁兵於關

下如茂貞違詔即討之茂貞懼將且謀王師至興平夜自鸞濱茂

貞因出塞官之軍大敗唐補紀曰五月朝廷除崇王爲鳳翔節度

使除茂貞爲興元節度使茂貞拒命不發亦無向關之心自是京

師人心驚憂出都郊邠京州爲之一空上潛謀行幸按實錄新舊

紀書茂貞未嘗附東川薛史誤移鎮興元乃景福二年事唐補

親誤今

從實錄 上遽遣使告急于河東丙寅茂貞引兵逼京畿覃王與戰

于婁館官軍敗績

婁館蓋在京兆興平縣西考異曰舊紀茂貞請入觀上令通王即王延王分統四軍以衛近畿

丙寅鳳翔軍犯京畿賈王拒之於婁館接戰不利賈命延王部神策諸軍于三橋防遏茂貞上言延王稱兵討臣臣臣有何罪言將

胡觀丙寅李茂貞大軍犯京師賈王拒之於婁館王師戰不利新

紀六月庚戌李茂貞犯京師嗣延王戒丕禦之丙寅及茂貞戰于

婁館敗績今從舊紀秋七月茂貞進逼京師延王戒丕曰今關中藩鎮無可

依者不若自鄜州濟河幸太原

自鄜州濟河道汾歷至太原路甚

纒塲在同州不敢由同州出河中也

臣請先往告之辛卯詔幸鄜州壬辰上出至渭

北韓建遣其子從允奉表請幸華州上不許以建爲京畿都指揮

安撫制置及開通四道路催促諸道綱運等使而建奉表相繼

上及從官亦憚遠去癸巳至富平遣宣徽使元公訊召建而議去

留甲午建詣富平見上頓首泣涕言方今藩鎮跋扈者非止茂貞

陛下若去宗廟闕陵遠巡邊鄙臣恐車駕濟河無復還期今華州

兵力雖微控帶關輔亦足自固臣積聚訓厲十五年矣

按韓建從
鹿宴宏至

興元之時僖宗在蜀遂奔行在中和四年也僖宗還長
安光啟元年也建刺華州當在此時至是纔十二年耳西距長安

不遠九域志華州西至
長安一百五十里願陛下臨之以圖興復上乃從之乙未宿

下邳丙申至華州九域志白富平至下邳三十五
里自下邳至華州六十五里以府醫爲行宮

建視事于龍興寺茂貞遂入長安自中和以來所貨宮室市肆燔

燒俱盡黃巢之亂宮室燬中和以來諸守王徽補葺粗完慶王
之亂又爲亂兵所焚及僖宗還京復加完葺上出石門重

罹燒熱還又葺之
至是爲茂貞所燬乙巳以中書侍郎同平章事崔允同平章事充

武安節度使上以允崔昭緯之黨也故出之丙午以翰林學士

承旨尙書左丞陸扆爲戶部侍郎同平章事扆陝人也水部郎中

何迎新書百官志水部郎中屬工部尙書掌津濟
船爐渠梁隄堰溝洫漁捕運漕碾磑之事表薦國子毛詩

博士襄陽朱朴才如謝安唐制國子監置五經博士各
二人掌以其經之學教國子道士許巖

士亦薦朴有經濟才上連日召對朴有口辯上悅之曰朕雖非太宗得卿如魏徵矣賜以金帛并賜何迎以徐彥若爲大明宮留守兼京畿安撫制置等使楊行密表請上遷都江淮王建請上幸成都宰相畏韓建不敢專決政事八月丙辰詔建關議朝政建上表固辭乃止韓建移檄諸道令其輸資糧詣行在李克用聞之歎曰去歲從余言豈有今日之患謂欲討李茂貞上不許也又曰韓建天下擬物爲賊臣弱帝室是不爲李茂貞所擒則爲朱全忠所虜耳因奏將與鄴道發兵入援加錢鏐兼中書令癸丑以王建爲鳳翔四面行營招討使甲寅以門下侍郎同平章事王搏同平章事充威勝節度使上憤天下之亂思得奇傑之士不次用之國子博士朱朴自言得爲宰相月餘可致太平上以爲然乙丑以朴爲

左諫議大夫同平章事

考異曰舊傳曰朴腐儒木強無他才伎道士許巖士出入禁中常依朴爲姦利從容

上前蕭朴有經濟才昭宗召見對以經義甚悅即日拜平章事在中書原名公齒筆札議論動爲笑端唐補紀曰朴亦有文辭記議

諸王下吏人以通意旨言方今宰相皆非時才致令宗社不安頗有傾動若使朴在相位月餘能致太平諸王以爲然乃奉天歷翌日宣喚顧問機宜便入中書令參知政事諸相座愕然莫測聽其轉漢魏四五月故無所聞遂疑出畿外按朴雖庸鄙恐不至如舊傳所云者補史亦恐得之傳聞非詳實今從新傳

樸爲人庸鄙迂僻無他長制出中外大

驚丙寅加韓建兼中書令九月庚辰升福建爲威武軍以觀

察使王潮爲節度使以湖南雷後馬殷判湖南軍府事殷以高

郁爲謀主郁揚州人也殷畏揚行密成納之曠議以金帛結之高

郁曰成納不足畏也行密公之讎音馬殷從孫儒攻揚行雖以萬

金賂之安可爲吾援乎不若上奉天子下遷士民訓卒厲兵以修

霸業則誰與爲敵矣殷從之崔允出鎮湖南韓建之志也允密

求援於朱全忠且教之營東都宮闕表迎車駕全忠與河南尹張全義表請上遷都洛陽全忠仍請以兵二萬迎車駕且言崔允忠臣不宜出外韓建懼復奏召允為相遣使諭全忠以且宜安制全忠乃止乙未復以允為中書侍郎同平章事

崔允自此與朱全忠相為表裏考異曰舊

傳允檢校兵部尚書嶺南東道節度使允密致書全忠求援全忠上書理之允已至湖南復召拜平章事新舊詳律以罪誅罷為武安節度使陸贄當時南北司各樹黨結藩鎮允素厚朱全忠委心結之全忠為言允有功不宜處外故起相而逐贄按允出為滿海節度使在後非此

以翰林學士承旨兵部侍郎崔遠同平章

事遠琪弟璵之孫也父才清歷風神峻整當世慕其為人目為飢座梨言座所珍也諸崔自咸通後有名歷臺閣藩鎮者數十人天下推士族之冠始其曾王母長孫春秋高無齒祖母唐事始孝母曰乳姑一日長孫病召長幼言吾無以報婦願後子孫皆若爾孝

世謂崔氏昌大有所本云 丁酉貶中書侍郎同平章事陸展爲

陝州刺史

考異曰舊傳曰九月軍于奉節送徐彥若赴蜀師之起也展堅請曰播越之後國步初艱不宜與近輔交惡

必爲他盜所窺加以親王統兵勢議聽口無益于事貳貽後患昭宗已發兵怒展沮議是月十九日實授陝州刺史師出果敗車駝

出幸按此乃景福二年杜讓能討鳳翔事時展未爲相舊傳誤新傳亦同今從實錄崔允恨展代己誣展云

黨于李茂貞而貶之己亥以朱朴兼判戶部凡軍旅財賦之事上

一以委之以孫僊爲鳳翔四面行營都統又以前定難節度使李

思諫爲靜難節度使兼副都統

皆徵使之討李茂貞

以保大冏後李思敬爲

節度使 河東將李存信攻臨濟敗汴將葛從周於宗城北藥勝

至魏州北門

九城志臨濟縣在魏州北一百五十里宗城縣在魏州西北一百七十里

冬十月壬子

加孫僊行營節度招討處置等使丁巳以韓建權知京兆尹兼把

截使

考異曰李巨川許國公勤王錄十月十日敕命公權知京兆尹并充把截使既錄作癸丑是月戊申朔今從勤王錄戊

午李茂貞上表請罪願得自新仍獻助修宮室錢韓建復佐佑之竟不出師 錢鏐令兩浙吏民上表請以鏐兼領浙東朝廷不得

已復以王搏爲吏部尚書同平章事以鏐爲鎮海威勝兩軍節度

使錢鏐遂自此跨有浙東西丙子更名威勝曰鎮東軍 李克用自將攻魏州

敗魏兵于白龍潭按薛史梁太祖紀乾化元年九月丙辰幸魏州縣戊辰幸邑西白龍潭則其地在魏縣西也追

至觀音門薛史魏州羅城西門曰觀音門晉天福五年閏三月改曰金明門朱全忠復遣葛從周

救之屯于洹水全忠以大軍繼之克用乃還 加護國節度使王

珂同平章事 十一月朱全忠遣大梁復遣葛從周東會龐師古

攻鄆州 湖州刺史李師悅求旌節詔置忠國軍于湖州以師悅

爲節度使賜告身旌節者未入境戊子師悅卒楊行密表師悅子

前綿州刺史彥徽知州事考異曰實錄乾甯二年四月忠國節度使李師悅卒以其孫彥徽知州後今仍

新紀十
國紀年

淮南將安仁義攻婺州

十二月東川兵焚掠漢眉資

簡之境

漢眉資簡四州皆西川巡屬

清海節度使薛王知柔行至湖南廣州

牙將盧瑑譚宏玘據境拒之

玘音起

使宏玘守端州宏玘結封州刺

史劉隱許妻以女隱僞許之託言親迎伏甲舟中夜入端州斬宏

玘遂襲廣州斬瑑

按九域志自封州東南歷康州界而後至端州自端州東至廣州二百四十里

具軍容

迎知柔入視事知柔表隱爲行軍司馬

王在華州嘗登齊雲樓

西北顧望京師作辭以寄歸思曰野烟生碧樹陌上行人去安得

有英雄迎歸大內中酒酣與從臣悲歌泣下韓建雖與諸王屬和

之而心實不悅尤惡諸王典兵乃與其心腹謀去之

資治通鑑補卷一百六十四終

資治通鑑補卷第二百六十一

宋涑水司馬光編集

後學天台胡三省音註

明

後學吳郡嚴衍補

後學吳郡談允厚參

唐紀七十七

起乾甯四年盡光化二年凡三年

昭宗聖穆景文孝皇帝中之上

己乾甯四年春正月甲申韓建奏防城將張行思等

張行思華州防城將也

告睦濟韶通彭韓儀陳八王

皆嗣王也建韶韓代宗之後彭肅宗之後陳文宗之後皆逸其名及其世

系謀殺臣劫車駕幸河中上大驚召建諭之建稱疾不入令諸王

詣建自陳建不與相見又上表言諸王忽詣臣理所不測事端

建

諸王爲變事出不測也

臣詳酌事體不應與諸王相見又稱諸王當自避嫌

疑不可輕爲舉指陛下若以友愛含容請依舊制令歸十六宅妙

選師傅教以詩書不令典兵預政

援開元天寶舊制不令諸王出閣

且曰乞散彼

烏合之兵用光麟趾之化建慮上不從引麾下精兵圍行宮表疏

連上上不得已是夕詔諸王所領軍士竝縱歸田里諸王勒歸十

六宅其甲兵竝委韓建收掌建又奏陛下選賢任能足清禍亂何

必別置殿後四軍

四軍卽安聖養宸儀備宣化也

顯有厚宥薄之恩乖無偏無黨

之道且所聚皆坊市無賴姦猾之徒平居猶思禍變臨難必不爲

用而使之張弓挾矢密邇皇輿臣竊寒心乞皆罷遣詔亦從之於

是歲後四軍二萬餘人悉散天子之親軍盡矣捧日都頭李筠石

門扈從功第一建復奏斬於大雲橋

大雲橋在華州大雲寺前

建又奏元宗之

末永王璘暫出江南遊謀不軌代宗時吐蕃入寇光啟中朱攻亂

常皆援立宗支以繫人望

謂吐蕃立帝武王祜宏朱致立襄王煜也事各見前紀

今諸王銜

命四方者乞皆召還

指言德王戒丕等

又奏諸方士出入禁庭眩惑聖聽

宜皆禁止無得入宮

指言許巖十等

詔悉從之建既幽諸王於別第知上

意不悅乃奏請立德王爲太子欲以解之丁亥詔立德王祜爲皇

太子仍更名裕

考異曰勒王條曰公以儲副之設國之大本上表云云敕宜從允時正月十一日也當四日之闕而

儲君承家祀宗室歸藩郡置頭突發之士不入於禁門文成五刑之徒不陳其左道君父開悟還羈詠歌人不震驚市無易肆公之力也李巨川著書屬証善

龐師古葛從周併力攻鄆州朱瑄兵

少食盡不復出戰但引水爲深濠以自固辛卯師古等營於水西

南命爲浮梁癸巳潛決濠水丙申浮梁成師古夜以中軍先濟瑄

聞之棄城奔中都

按九域志中都縣在鄆州東南六十里

葛從周逐之野人執瑄及

妻子以獻

德宗中二年朱瑄得鄆州至是而亡考異曰辭居正五代史梁太祖紀辛卯營於濬水之次龐師古令諸將

撤木爲橋乙未夜師古以中軍先濟朱瑄棄壁夜走歸從周擒瑄并妻男以獻核濟水自王莽時大旱不復能絕河而南自是河南無濟水蓋縣城下清河水流朱瑄引之以環城固守故師古等爲浮橋以濟師河既可決明非自然之水也 己亥罷

孫偃鳳翔四前行營節度等使按李茂貞故罷恩州四面行營以副都統李思諫

爲甯塞節度使按方顯表光化元年更延州保塞節度爲甯塞節度錢鏐使行軍司馬杜

棱救婺州安仁義移兵攻睦州不克而還 宋全忠入鄆州以龐

師古爲天平閩後考異曰舊紀梁太祖實錄薛平正五代史師古傳皆云師古爲鄆州運使兩道錄薛史梁紀皆

云友裕按馮道錄三月丙子以友裕爲鄆州雷後師古爲徐州雷後蓋初以師古守鄆州後以友裕代之而徙師古於徐州也朱

瑾留大將康懷貞守兗州與河東將史儼李承嗣掠徐州之境以

給軍食九域志兗州南一百一十里師徐州界全忠聞之遣葛從周將兵襲兗州懷

貞聞鄆州已失守汴兵屯至遂降二月戊申從周入兗州獲瑾妻

子朱瑾還無所歸帥其眾趨沂州刺史尹處實不納走保海州九

志兗州三百四十五里東至沂州沂古
環郛也沂州東至海州一百八十里 爲汴兵所逼與史儼李承

嗣擁州民度淮奔樞行密光啟二年朱釐取兗州至是而敗行密逆之於高郵表

瑾領武甯節度使全忠納瑾之妻引兵還張夫人逆於封邱九域志封

邱縣在汴州北六十里全忠以得瑾妻告之夫人請見之瑾妻拜夫人答拜

且泣曰兗郛與司空同姓約爲兄弟以小故恨望起兵相攻使吾

媿辱於此它日汴州失守吾亦如吾媿之今日乎全忠乃送瑾妻

於佛寺爲尼斬朱瑄於汴橋於是郛齊曹棣兗沂密徐宿陳許鄭

滑濮皆入於全忠郛齊曹棣天平軍兗沂密秦南軍徐宿威化軍陳許忠武軍鄭滑濮宣義軍此五鎮之地也

惟王師範保滑曹一道亦服於全忠李存信在魏州圍兗郛皆陷

引兵還淮南舊善水戰不知騎射及得河東郛兗兵軍聲大振史

儼李承嗣皆河東驍將李克用深惜之遣使問道詣楊行密請之

行密許之亦遣使詣克用修好 戊午王建遣邛州刺史華洪彭

州刺史王宗祐將兵五萬攻東川以戎州刺史王宗謹爲鳳翔西

面行營先鋒使敗鳳翔將李繼徽等於立武

立武漢氏道縣晉改曰立武唐初屬益州

時屬梓州宋朝改曰中江在梓州西九十里

繼徽本姓楊名崇本茂貞之假子也 己

未赦天下

上饗行廟

時駐蹕華州大常禮院請權立行廟以備告靈

庚申王建以決

雲都知兵馬使王宗侃爲應援開峽都指揮使將兵八千趨渝州

決勝都知兵馬使王宗阮爲開江防送進奉使將兵七千趨瀘州

辛酉宗侃趨渝州降刺史牟崇厚癸酉宗阮拔瀘州斬刺史馬啟

儒峽路始通

渝瀘皆東川巡屬王建志在廣地假通峽路進奉以爲名耳

鳳翔將李繼昭救梓

州留偏將守劔門西川將王宗播擊擒之 乙亥門下侍郎同平

章事孫偓罷守本官中書侍郎同平章事朱朴罷爲秘書監朴既

秉政所言皆不效外議沸騰太子詹事馬道殷以天文將作監許巖士以醫得幸於上韓建誣二人以罪而殺之且言保朴與二人

交通故罷相

詔以楊行密爲江南諸道行營都統以討武昌節

度使杜洪

按新書杜洪傳洪附朱全忠經東南
黃巖路詔楊行密討之者當以此

張佶克邵州擒

蔣勛

補討張佶邵州
州始上卷三年

三月丙子朱全忠表曹州刺史葛從周爲

秦甯雷後朱友裕爲天平雷後龐師古爲武甯雷後 保義節度

使王珙攻護國節度使王珂珂求援於李克用珙求援於朱全忠

宣武將張存敬楊師厚敗河中兵於猗氏南河東將李嗣昭敗陝

兵於猗氏又敗之於張店遂解河中之圍師厚斤溝人

九域志潁州萬壽縣

有斤溝傳萬壽縣汝陰之百尺鐘也宋朝開寶六年置縣

嗣昭克用弟克柔之假子爲人短

小而膽勇過人初頗嗜酒克用嘗微戒之遂終身不飲故克用極

愛其謹厚 更名威義軍曰昭武治利州以前靜難節度使蘇文

建爲節度使 夏四月以同州防禦使李繼瑋爲匡國節度使

考異

曰實錄賜同州監匡國軍以防禦使李繼瑋爲匡國節度使按新方鎮表乾甯二年賜同州監匡國軍工行約已嘗爲匡國節度使蓋行約死繼瑋俱爲防

禦使今始復舊名曰

繼瑋茂貞之養子也

以右諫議大夫李

洵爲兩川宣諭使和解王建及顧彥暉 辛亥錢鏐遣顧全武等

將兵三千自海道救嘉興己未至城下擊淮南兵大破之

淮南開嘉興始

上卷

二年 杜洪爲楊行密所攻求救於朱全忠全忠遣其將孫金掠

泗州朱友恭攻黃州行密遣石黑雲都指揮使馬珣等救黃州

音

黃州刺史羅璋聞友恭至棄城擁眾南保武昌寨

武昌漢古縣唐屬鄂州九

城志在州東北一百八十里今置爲昌市

癸亥兩浙將顧全武等破淮南十八營虜

淮南將士魏約等三千人淮南將田頴屯驛亭埭兩浙兵乘勝逐

之甲戌顏自湖州奔還自嘉興還軍取道湖州還宣州兩浙兵追敗之顏眾死者

千餘人 韓建惡刑部尚書張禕等數人皆誣奏貶之考與刑部錄貶刑部

尚書張禕趙崇孫循等爲衡州司馬韓建惡之誣奏貶焉禕等必不皆爲刑部尚書皆貶衡州司馬皆保讓也 五月加

奉國節度使崔洪同平章事 辛巳朱友恭爲浮梁於樊港武昌西三

里有樊山山下有樊溪注于江謂之樊口朱友恭蓋跨江爲浮梁抵樊口以攻武昌也 進攻武昌寨壬午拔

之執瞿章遂取黃州馬珣等皆敗走 丙戌王建以節度副使張

琳守成都張琳王建之腹心琳之攻陳敬道也亦使之守邛州自將兵五萬攻東川更華洪

姓名曰王宗濬 六月己酉錢鏐如越州受鎮東節鉞 李茂貞

表王建攻東川連兵累歲不聽詔命甲寅貶建南州刺史新志武德三年

開黔南蠻置南州宋白曰南州戰國時爲巴國界秦則巴郡之地漢爲江州之境唐武德三年割渝州之東界置南州 乙卯

以茂貞爲西川節度使以覃王嗣周爲鳳翔節度使癸亥王建克

梓州南寨執其將李繼甯丙寅宣諭使李洵至梓州己巳見建于張杷砦建指執旗者曰戰士之情不可奪也 覃王赴鎮李茂貞

不受代圍覃王於奉天 置甯遠軍於容州以李克用大將蓋寓

領節度使 秋七月加荆南節度使成汭兼侍中 韓建移書李

茂貞茂貞解奉天之圍覃王歸華州 以天雄節度使李繼徽爲

靜難節度使 李繼徽自秦州徙邠州 邠甯亦爲李茂貞有矣 庚戌錢鏐還杭州遣顧全

武取蘇州乙未拔松江 松江在蘇州南四十里淮南立寨以守之 戊戌拔無錫 無錫在蘇州

常州九域志在州東九十一里 辛丑拔常熟華亭 宋白曰常熟縣後漢至吳爲司鹽都尉晉置南沙縣梁置常熟

縣今崑山縣東一百三十里常熟故城是也九域志在蘇州北七十五里天寶十載分嘉興置華亭縣屬蘇州在州西南今屬秀州

初李克用取幽州 見二百五十九卷乾甯元年 表劉仁恭爲節度使留戍兵

及腹心將十人典其機要租賦供軍之外悉輸晉陽及上幸華州

克用徵兵於仁恭又遣成德節度使王鐸義武節度使王郜書欲與之共定關中奉天子還長安仁恭辭以契丹入寇須兵扞禦請俟虜退然後承命克用屢趣之使者相繼數月兵不出克用移書責之仁恭抵書於地慢罵囚其使者欲殺河東成將成將遁逃獲

免

克用留兵成密州見上卷乾甯二年

克用大怒八月自將擊仁恭

上欲幸奉天

親討李茂貞令宰相議之宰相切諫乃止

延王戒丕還自晉陽

韓建奏自陛下卽位以來與近輔交惡

近輔那般同華也

皆因諸王典兵

凶徒樂禍致鑿輿不安比者臣奏罷兵權實慮不測之變今聞延

王覃王尙苞陰計願陛下聖斷不疑制於未亂則社稷之福上曰

何至於是數日不報建乃與知樞密劉季述矯制發兵圍十六宅

諸王被髮或緣垣或登屋或升木呼曰宅家救兒

唐末宮中率稱天子曰宅家

建擁通儀陸濟詔彭韓陳厚延丹十一王至石隄谷盡殺之

石隄谷在

華州西歐陽修集古錄云敬院君祠今謂之五部神廟其象有石隄西成樹谷五樓先生東臺御史王勳將軍莫曉其義其碑云石隄樹谷南通商雒又云前世通利吏民興貴有御史大夫將軍牧伯故爲立祠以報其功乃知五部之號自漢有之如此則石隄者石隄谷之神五部神之一也唐韓建殺諸王於石隄谷蓋此谷也敬院神祠在華州郿縣考異曰舊紀是日通草以下十一王并其侍者皆爲建兵所擁至石隄谷無長少皆殺之唐補紀曰六宅諸王準前商山諸王既後都韓建怨怒進狀爭論與諸王互說短長上乃縛韓王克良已下十人送韓建府建以刺刺關於大殿穆前不與相見軍吏諫遂請諸王歸宮散卻殿後都新紀八月韓建殺通王蒸沂王昶韶王彭王嗣勣王嗣賢王嗣瑑王嗣周嗣延王戒王嗣丹王允拔舊紀韓建奏時王濟王韶王通王彭王韓王範王嗣王八人新宗室傳初帝遣嗣延王戒丕嗣丹王允往見李克用又有厚王嗣周則是十一人新紀傳儀作沂拔謂宗子禮封沂王不應更封宗室舊以謀反聞貶禮部尚書孫偃爲南州司馬祕書紀傳儀王恐可恥

監朱朴先貶夔州司馬再貶郴州司戶

考異曰實錄朱貶郴州司戶辭廷址鳳閣書詞有什

自秘書監賈除蜀王德分司東都制云苞城莫顧於朝綱進見不由於相府復云猶希願問之開來長澄清之化又貶渠州司馬制

云爭臣條奏邊府區言指陳百固之謀
忌嫉崇姦之計與此稍異今從實錄朴之爲相何迎驟遷至右

諫議大夫至是亦貶湖州司馬 鍾傳欲討吉州刺史襄陽周非

非帥其眾奔廣陵 王建與顧彥暉五十餘戰九月癸酉朔罔梓

州蜀州刺史周德權言於建曰公與彥暉爭東川三年士卒疲於

矢石百姓困於輸輓東川羣盜多據州縣彥暉懦而無謀欲爲偷

安之計皆啗以厚利恃其救援故堅守不下今若遣人諭賊帥以

禍福來者賞之以官不服者威之以兵則彼之所恃反爲我用矣

建從之彥暉勢益孤德權許州人也 丁丑李克用至安塞鎮安塞

軍在蔚州之東蔚州之西新志 幽州丁零川西南有安塞軍 辛巳攻之幽州將單可及引騎兵

至克用方飲酒前鋒白賊至矣克用醉曰仁恭何在對曰但見可

及輩克用瞑目曰可又輩何足爲敵亟命擊之是日大霧不辨人

物幽州將楊師侃伏兵於木瓜湖

據新書木瓜湖亦在蔚州界

河東兵大敗失

亡太半

李克用輕敵又不得天時故敗

會大風雨震電幽州兵解去克用醒而後

知敗責大將李存信等曰吾以醉廢事汝曹何不力爭

湖州刺

史李存徽欲以州附於楊行密

去年楊行密表存徽知湖州故欲附之

其眾不從彥

榮奔廣陵都指揮使沈攸以州歸錢鏐

錢鏐自此遂有湖州

以彰義節度

使張璠爲鳳翔西北行營招討使以討李茂貞 復以王建爲西

川節度使同平章事加義武節度使王郜同平章事削奪新西川

節度使李茂貞官爵復姓名宋文通

李茂貞賜姓名見二百五十六卷光啟二年

朱

全忠旣得竟郿甲兵益盛乃大舉擊楊行密遣龐師古以徐宥宋

滑之兵七萬壁清口

清口卽今之清河口

將趨揚州葛從周以竟郿曹濮之

兵壁安豐將趨壽州

安豐漢六縣故城在縣南後漢置安豐縣至唐屬壽州九域志安豐縣在州東南六十餘

里蓋唐之壽州治壽春縣卽六朝壽陽之地五代之末全忠自將周世宗克壽州徙治下蔡故宋胡安豐在壽州東南

屯宿州淮南震恐 匡國節度使李繼瑋聞朝廷討李茂貞而懼

韓建復從而搖之繼瑋奔鳳翔冬十月以建爲鎮國匡國兩節

度使韓建始兼 壬子知遂州侯紹帥眾二萬乙卯知合州王仁

威帥眾千人戊午鳳翔將李繼溥以援兵二千皆降於王建建攻

梓州益急庚申顧彥暉聚其宗族及假子共飲遣王宗弼自歸于

建王宗弼爲東川兵所擒事見上卷二年 酒酣命其假子殺瑤已及同飲者然後自

殺僖宗光啟二年顧彥暉得東川傳至弟彥暉至是而滅 建入梓州城中兵尙七萬人建命

王宗綰分兵徇昌普等州以王宗滌爲東川留後 劉仁恭奏稱

李克用無故稱兵見討本道大破其黨於木瓜湖請自爲統帥以

討克用詔不許又遣朱全忠書全忠奏加仁恭同平章事朝廷從

之仁恭又遣使謝克用陳去就不自安之意克用復書略曰今公
仗鉞控兵理民立法擢士則欲其報德選將則望彼酬恩已尙不
然人何足信僕料猜防出於骨肉嫌忌生於屏帷持干將而不敢
授人捧盟盤而何詞著誓 甲子立皇子祕爲景王祚爲輝王祺

爲祁王 加彰義節度使張璠同平事章 楊行密與朱瑾將兵

三萬拒汴軍於楚州別將張訓自漣水引兵會之乾甯二年楊行

張訓行密以爲前鋒龐師古營於濟口或曰營地汙下不可久處

不聽師古恃眾輕敵居常弈棋朱瑾壅淮上流欲灌之或以告師

古師古以爲惑眾斬之十一月癸酉瑾與淮南將侯瓚將五千騎

潛度淮用汴人旗幟自北來趣其中軍張訓踰柵而入士卒蒼黃

拒戰淮水大至汴軍駭亂行密引大軍濟淮與瑾等夾攻之汴軍

大敗斬師古及將士首萬餘級餘眾皆潰葛從周營於壽州西北

壽州團練使朱延壽擊破之從周退屯濠州聞師古敗奔還行密

瑾延壽乘勝追之至於淖水

水經注淖水出廬江潛縣西南至山東北又東北過六縣東又西北過安

豐縣故城西北入于淮淖水在弋陽按今淖河在來遠鎮西十里來遠鎮即東正陽也東至壽州二百里。淖音擊從周牛

濟淮南兵擊之殺馮殆盡從周走免過後都指揮使牛存節棄馬

步關諸軍稍得濟淮凡四日不食會大雪士卒緣道凍餒死遺者

不滿千人全忠聞敗亦奔還行密遺全忠書曰龐師古葛從周非

敵也公宜自來淮上決戰行密大會諸將謂行軍副使李承嗣曰

始吾欲先趣壽州副使云不如先向清口師古敗從周自走今果

如所料賞之錢萬緡表承嗣領鎮海節度使行密待承嗣及史儼

甚厚第舍姬妾咸選其尤者賜之故二人爲行密盡力屢立功竟

卒於淮南行密由是遂保據江淮之間全忠不能與之爭 戊寅

立淑妃何氏爲皇后 后東川人生德王輝王 威武節度使王潮

弟審知爲觀察副使有過潮猶加撻撻審知無怨色潮寢疾捨其

子延興延虹延豐延休命審知知軍府事十二月丁未潮薨審知

以讓其兄泉州刺史審邽審邽以審知有功辭不受審知自稱福

建留後表于朝廷 壬戌王建自梓州還戊辰至成都是歲南詔

驃信舜化有上皇帝書函及督爽牒中書木夾年號中興朝廷欲

以詔警報之王建上言南詔小夷不足辱詔書臣在西南彼必不

敢犯塞從之黎雅間有淺蠻曰劉王郝王楊王各有部落

長谷皆蠻居之所在深遠而三西川歲賜絹帛三千匹使覘南詔

亦受南詔賂謂成都虛實每節度使到官三王帥酋長詣府節度

使自謂威德所致表于朝廷而三王陰與大將相表裏節度使或

失大將心則教諸蠻紛擾先是節度使多文臣不欲生事故大事

常藉此以邀姑息而南詔亦憑之屢爲邊患及王建鎮西川絕其

舊賜斬都押牙山行章以懲之

山行章凍田舊將王建因其與後蠻表裏而斬之既以威示諸蠻亦

除舊務盡

邛峽之南不置郵候不戍一卒

謂邛來關以南也

蠻亦不敢侵盜其

後遣王宗播擊南詔三王漏泄軍事召而斬之 右拾遺張道古

上疏稱國家有五危二亂昔漢文帝卽位未幾明習國家事今陛

下登極已十年而曾不知爲君馭臣之道太宗內安中原外開四

夷海表之國莫不入臣今先朝封域日蹙幾盡臣雖微賤竊傷陛

下朝廷社稷始爲姦臣所弄終爲賊臣所有也上怒貶道古施州

司戶

宋白曰施州漢巫縣地吳大帝分巫縣立沙渠縣後周建德三年於此置施州唐因之舊志施州京師南二千七百九里

仍下詔罪狀道古宣示諫官道古青州人也

乾甯五年春正月兩浙江西武昌淄青各遣使詣闕請以朱全

忠爲都統討楊行密

兩浙錢鏐江西鍾傳武昌杜洪淄青王師詔範皆推揚行密之福而黨附朱全忠者也

不許加平盧節度使王師範同平章事以兵部尚書劉崇望

同平章事充東川節度使以昭信防禦使馮行襲爲昭信節度使

方鎮表光化元年詔信防禦使治金州與此異

上下詔罪己息兵復李茂貞姓名官

爵應諸道討鳳翔兵皆罷之

韓建之志也

壬辰護國節度使王珂親

迎於晉陽李克用遣其將李嗣昭守河中李茂貞韓建皆致書

於李克用言大駕出幸累年乞修和好同獎王室兼乞丁匠助修

宮室李克用許之韓建既殺諸王心不自安欲行廢立之事其

父叔豐見其跋扈謂建曰汝陳許閒一民桑時危亂位至方鎮不

能感君父之惠而欲以同華兩州百里之地行廢立覆族在旦暮矣吾不如先自裁免爲汝所累由是建稍弭其志初王建攻東川顧彥暉求救於李茂貞茂貞命將出兵救之不暇東逼梁輿詐稱改過與韓建其翼戴天子及聞朱全忠營洛陽宮累表迎車駕茂貞與建皆懼乃請修復宮闕奉上歸長安詔以建爲修宮闕使諸道皆助錢及工材建使都將蔡敬思督其役旣成二月建自往視之錢鏐請徙鎮海軍於杭州從之

鎮海軍本治潤州今徙軍額於杭州詔加鏐檢校太師改所居鄉曰廣義鄉里曰勳貴里所居營曰衣錦營復以李茂貞爲鳳翔節度使三月己丑以王審知充威武畱後朱全忠遣副使萬年韋震入奏事求兼鎮天平朝廷未之許震力爭之朝廷不得已以全忠爲宣武宣義天平三鎮節度使全忠以

震爲天平副使以前台州刺史李振爲天平節度副使

按歐史李振傳振爲

金吾衛將軍拜台州刺史盜匪漸東不果行乃西歸過汴以策于朱全忠全忠深之遂爲全忠用

振抱眞之曾孫也

淮南將周本救蘇州兩浙將顧全武擊破之淮南將秦裴以

兵三千人拔崑山而戍之

崑山漢婁縣地梁分婁縣置信義縣又分信義置崑山縣取縣界崑山爲名唐

熙麟州九域志在州東七十里

以潭州刺史判湖南軍府事馬殷知武安畱後

時湖南管內七州賊帥楊師遠據衡州唐世旻據永州蔡結據道

州陳彥謙據郴州魯景仁據連州

路振九國志唐旻蔡結皆以郡人聚兵據郡陳彥謙桂陽人後

朝史黃岳據郴州魯景仁本從黃巢以病畱連州遂禁之

殷所得惟潭邵三州而已

爲馬殷盡取諸州張

本 義昌節度使盧彥威性殘虐又不禮於荆道與盧龍節度使

劉仁恭爭鹽利仁恭遣其子守文將兵襲滄州彥威棄城挈家奔

魏州羅宏信不納乃奔汴州

光啓元年盧彥威得滄州至是而亡

仁恭遂取滄景德

三州以守文爲義昌雷後仁恭兵勢益盛自謂得天助有併吞河朔之志爲守文請旌節朝廷未許會中使至范陽仁恭語之曰旌節吾自有之但欲得長安本色耳何爲累章見拒爲吾言之其悖慢如此 朱全忠與劉仁恭修好會魏博兵擊李克用夏四月丁

未全忠至鉅鹿城下敗河東兵萬餘人逐北至青山口

五代志邢州龍岡縣

隋文帝開皇十六年置青山縣屬帝大業初省入龍岡

以護國節度使王珂兼侍中

丁

卯朱全忠遣葛從周分兵攻洛州戊辰拔之斬刺史邢善益 五月己巳朔赦天下 葛從周攻邢州刺史馬師素棄城走辛未磁

州刺史袁奉節自剄全忠以從周爲昭義兩後守邢洛磁三州而

還 并汴自此歲爭邢洛磁三州

以武定節度使李繼密爲山南西道節度使

李繼密自洋州徙歸元

朝廷聞王建已用王宗滌爲東川雷後乃召劉崇

望還爲兵部尙書仍以宗滌爲副後 湖南將姚彥章言於馬殷

請取衡永道連郴五州仍薦李瓊爲將殷以瓊及秦彥暉爲嶺北

七州游奕使張圖英李唐副之五州併原 邵爲七將兵攻衡州斬楊師遠

引兵趣永州閏之月餘唐世旻走死殷以李唐爲永州刺史 六

月以濠州刺史趙翊明音 許爲忠武節度使翊準之弟也雄毅喜請

嘗善騎射爲政簡靜能濟上下安之 秋七月加武貞節度使雷

滿同平章事方鎮表光化元年置武貞節 度領連鄂澧三州治澧州加鎮南節度使鍾傳兼

侍中 忠義節度使趙匡凝聞朱全忠有滑口之敗忠義軍山陰 東南道

附於楊行密全忠遣宿州刺史尉氏氏叔琮將兵伐之丙申拔唐

州擒隨州刺史趙匡璘敗襄州兵於鄧城 八月庚戌改華州爲

興德府刺史爲尹以車駕駐 驛故也 戊午汴將康懷貞襲鄧州克之擒

刺史國湘趙匡凝懼遣使請服於宋全忠全忠許之

為宋全忠再攻趙匡凝張

本

己未車駕發華州壬戌至長安甲子赦天下改元光化上欲

將鎮相與輯睦以太子賓客張有孚為河東汴州宣慰使賜李克用朱全忠詔又令宰相與之書使之和解克用欲奉詔而恥於先自屈乃致書王鎔使通於全忠全忠不從九月乙亥加韓建守

大傅興德尹加王鎔兼中書令羅宏信守侍中己丑東川留後

王宗滌言於王建以東川封疆五千里又移往還動踰數月請分遂合瀘渝昌五州別為一鎮建表言之顧全武攻蘇州城中及

拔兵食皆盡甲申淮南所署蘇州刺史羅濛棄城走援兵亦遁全

武克蘇州追敗周本等於望亭

九域志常州無錫縣有望亭鎮在蘇州北四十五里又四十五里至

無獨秦裴守崑山不下全武帥萬餘人攻之裴屢出戰使病者被

甲執矛壯者數弓弩全武每爲之卻全武檄裴令降全武嘗爲僧
裴封函納款全武喜召諸將發函乃佛經一卷全武大慙曰裴不
憂死何暇戲予益兵攻城引水灌之城壞食盡裴乃降錢鏐設干
人饌以待之及至羸兵不滿百人鏐怒曰單弱如此何敢久爲旅
拒對曰裴義不負楊公今力屈而降耳非心降也鏐善其言顧全
武亦勸鏐宥之鏐從之時人稱全武長者 魏博節度使羅宏信

考龔曰僻居正五代史梁紀宏信傳太祖紀年錄皆云宏信八
月卒按八月昭宗遣京宏信猶加官舊紀傳九月卒今從之其
錄十月約軍中推其子節度副使紹威知雷後 汴將朱友恭將

兵還自江淮過安州

朱友恭克黃州還過安州九
辰志黃州西至安州三百里

或告刺史武瑜

潛與淮南通謀取汴軍冬十月己亥友恭攻而殺之 李克用遣

其將李嗣昭周德威將步騎二萬出青山將復山東三州

山東三
州邢洛

王寅進攻邢州葛從周出戰大破之嗣昭等引兵退入青山從
周追之將扼其歸路步兵自潰嗣昭不能制會橫衝都將李嗣源
以所部兵至謂嗣昭曰吾輩亦去則勢不可支矣吾試爲公擊之
嗣昭曰善我請從公後嗣源乃解鞍礪鏃築高布陳左右指畫邢
人莫之測嗣源大呼曰吾取萬公士卒可無動乃馳騎犯之出入
奮擊嗣昭繼之從周乃退嗣源身中四矢克用解衣賜藥以勞之
由是李橫衝名重四方德威馬邑人也馬邑秦漢舊縣名久廢開
元五年分朔州善陽縣置
馬邑縣於古大
同軍城屬朔州 癸卯以威武節度使王審知爲節度使 以羅紹
威知魏博節度使 丁巳以東川留後王宗滌爲節度使 加佑國
節度使張全義兼侍中 王珙引汴兵攻河中王珂告急於李克
用克用遣李嗣昭救之敗汴兵於胡壁九域志河中府榮河縣有
胡壁鎮榮河唐寶鼎縣也

宋神宗 汴人走前常州刺史王祝性剛介有時望詔徵之時人以
中更召 汴人走前常州刺史王祝性剛介有時望詔徵之時人以
爲且入相過陝王琪延奉甚至請敘子姪之禮拜之祝固辭不受
琪怒使送者殺之并其家人悉投諸河掠其資裝以覆舟聞朝廷
不敢詰 閏月錢鏐以其將曹圭爲蘇州制置使遣王球攻婺州

十一月甲寅立皇子禎爲雅王祥爲瓊王 以魏博留後羅紹

威爲節度使 衢州刺史陳岌請降于楊行密錢鏐使顧全武討

之 朱全忠以奉國節度使崔洪與楊行密交通淮南淮南遣其

將張存敬攻之洪懼請以弟都指揮使賢爲質考與曰十國紀年

前制遣兄賢質於汴按舊紀十月汴將張有敬以兵圍禁州刺史且

言將士頑悍不受節制請遣二千人詣麾下從征伐全忠許之爲

全忠遣崔賢徵兵藥將 召存敬還存敬曹州人也 十二月昭義

發賈勅洪奔淮南張本

節度使薛志勤薨李克用之平王行瑜也

見上卷乾
甯二年

李罕之求邢

甯於克用克用曰行瑜恃功邀君故吾與公討而誅之昨破賊之

日吾首奏振蘇文建赴鎮今纔達天聽遽復二三朝野之論必喧

然謂吾輩復如行瑜所爲也吾與公情如同體固無所愛俟還鎮

當更爲公論功賞耳罕之不悅而退私於蓋寓曰罕之自河陽失

守依託大庇

罕之失河陽見二百五
十七卷穆宗文德元年

歲月已深比來衰老倦於軍

旅若蒙吾王與太傅哀愍

大傳謂
蓋寓

賜一小鎮使數年之間休兵養

疾然後歸老閭閻幸矣寓爲之言克用不應每潛鎮缺議不及罕

之罕之甚鬱鬱寓恐其有它志亟爲之言克用曰吾於罕之豈愛

一鎮但罕之鷹也飢則爲用飽則背飛及志勤薨旬日無帥罕之

擅引澤州兵入潞州據之

九域志澤州北至潞
州一百六十五里

以狀白克用曰

資治通鑑補

卷二百五十七

唐紀七十七

十五

李罕之

薛鐵山死

薛志勤從克用起代北初名鐵山

州民無主慮不逞者爲變故罕之專

命鎮撫取王裁旨克用怒遣人譴之罕之遂遣其子顥請降於朱

全忠執河東將馬旆等及沁州刺史傅瑤送汴州克用遣李嗣昭

將兵討之

自此李克用不能與朱全忠爭邢洛磁而爭澤潞矣

嗣昭先取澤州收罕之家屬

送晉陽

楊行密遣成及歸兩浙以易魏約等錢鏐許之

淮南擒或及見

上卷乾甯三年兩浙擒魏約見上去年四月

韶州刺史曾衮與兵攻廣州州將王瓊

帥戰艦應之清海行軍司馬劉隱一戰破之韶州將劉潼復據滇

洽

滇洽當在韶州泷昌縣界或曰劉潼據滇洽滇陽洽在二縣之間○滇音貞洽音微

隱討斬之

和光化二年春正月丁未中書侍郎兼吏部尚書同平章事崔允

罷守本官以兵部尚書陸扈同平章事朱全忠表李罕之爲昭

義節度使又表權知河陽畱後丁會武甯畱後王敬瑒彰義畱後

張珂竝爲節度使

河陽武寧皆附屬朱全忠獨張珂在
澤州而爲之諸節鎮亦所以結之

楊行密

與朱瑾將兵數萬攻徐州軍於呂梁朱全忠遣騎將張歸厚救之

劉仁恭發幽滄等十二州兵十萬

十二州幽涿瀋莫平營蔚妫
檀滄景德也幽州巡屬更有

蔚新武三州劉仁恭留
以備河東不發其兵

欲兼河朔攻貝州拔之城中萬餘戶盡屠

之投尸清水

清水卽清
河之水

由是諸城各堅守不下仁恭進攻魏州營

於城北魏博節度使羅紹威求救於朱全忠 朱全忠遣崔賢還

蔡州發其兵二千詣大梁二月蔡將崔景思等殺賢劫崔洪悉驅

兵民度淮奔楊行密兵民稍稍遁歸至廣陵者不滿二千人全忠

命許州刺史朱友裕守蔡州 朱全忠自將救徐州楊行密聞之

引兵去汴人追及之於下邳

下邳古邳唐屬徐州九域
志在徐州東一百八十里

殺千餘人

全忠行至輝州

是年朱全忠表以宋州之碭山虞城單父
曹州之成武置輝州卽單州之封城也

聞淮南

兵已退乃還 三月朱全忠遣其將李思安張存敬將兵救魏博

屯于內黃

九域志內黃縣在魏州西南二百一十四里

癸卯全忠以中軍軍于滑州劉

仁恭謂其子守文曰汝勇十倍於思安當先虜鼠輩後擒紹威耳

乃遣守文及其妹婿單可及將精兵五萬擊思安于內黃丁未思

安使其將袁象先伏兵於清水之右

淇水東過內黃謂之白溝水亦謂之清水

思安

逆戰於繁陽

繁陽漢古縣唐併省入內黃杜佑曰漢繁陽縣故城在內黃縣西北

陽不勝而卻守文

逐之及內黃之北思安勒兵還戰伏兵發夾擊之幽州兵大敗斬

可及殺獲三萬人守文僅以身免可及幽州驍將號單無敵燕軍

失之喪氣思安陳留人也時葛從周自邢州將精騎八百已入魏

州戊申仁恭攻上水關館陶門

館陶門魏州城北門由此門出赴館陶縣因以爲門名

從周

與宣義牙將賀德倫出戰顧門者曰前有大敵不可返顧命闢其

扉從周等殊死戰仁恭復大敗擒其將薛突厥王郁郎明日汴魏

乘勝合兵擊仁恭破其八寨仁恭父子燒營而遁汴魏之人畏擊

追之至臨清擁其眾入永濟渠殺溺不可勝紀鎮人亦出兵邀擊

於東境魏人王緒之兵深冀道之東境自魏至滄五百里閒僞口相枕仁恭自是

不振而全忠益橫矣德倫河西胡人也辯史賀德倫其先河西部落人父懷慶隸汴州軍爲

小校故德倫少爲滑牙將劉仁恭之攻魏州也羅紹威遣使修好於河東且求

救壬午李克用遣李嗣昭將兵救之會仁恭已爲汴兵所敗紹威

復與河東絕嗣昭引遣葛從周乘破幽州之勢自土門攻河東

拔承天軍別將氏叔琮自馬嶺入馬嶺在太原府太原縣東南八十里拔遼州樂平

晉分漢沾縣置樂平縣唐屬大原府進軍榆次榆次古縣唐屬大原府李克用遣內牙軍副周

德威擊之叔琮有驍將陳章號陳夜叉爲前鋒請於叔琮曰河東

所恃者周楊五

周德威小字楊五

請擒之求一州爲賞克用聞之以戒德

威德威曰彼大言耳戰于洞渦

洞渦水出沾縣北山東萊南屈過受陽縣故城東西過榆次縣南此

據水經注也魏沙地形志洞渦水一出木瓜嶺一出沾嶺一出大

廉山一出原過祠下五水合流故曰同過後語稱爲洞渦按高歡

建大丞相府於晉陽時魏收已策名爲府齊受魏禪以晉德威微

陽爲別都魏收多從其主往來晉陽官宜知地名之的

服往挑戰謂其屬曰汝見陳夜又卽走章果逐之德威奮鐵槌擊

之墜馬生擒以獻因擊叔琮大破之斬首三千級叔琮棄營走德

威追之出石會關又斬千餘級從周亦引還 丁巳朱全忠遣河

陽節度使丁會攻澤州下之

考吳日實錄丁巳葛從周復取澤州按編遺錄丁巳河橋丁會收復澤州

實錄云從周誤也唐太祖紀年錄三月周德威敗氏叔琮於洞渦

驛先是逆溫令丁會將兵助李罕之戍潞州至是葛從周復入潞

州以代丁會賊復陷我澤州梁實錄附史梁紀皆云

六月方遣從周入潞州紀年銘於此連言後事耳

婺州刺史

王瓊爲兩浙所圍求救於雷國節度使田頌夏四月頌遣行營都

指揮使康儒等救之 五月甲午置武信軍於遂州以遂合等五

州隸之

王處之志也

李克用遣蕃漢馬步都指揮使李君慶將兵攻

李罕之己亥圍潞州朱全忠出屯河陽辛丑遣其將張存敬救之

壬寅又遣丁會將兵繼之大破河東兵君慶解圍去克用誅君慶

及其神將伊審李宏襲以李嗣昭為蕃漢馬步都指揮使代之攻

潞州 庚戌康儒等敗兩浙兵於龍邱

龍邱本漢太末縣貞觀八年更名龍邱即今龍巖縣

九域志屬衢州在州東七十五里擒其將王球遂取婺州

景福元年王璠得婺州至是失之

六

月乙丑李罕之疾亟丁卯全忠表罕之為河陽節度使以丁會為

昭義節度使未幾又以其將張歸霸守邠州遣葛從周代會守潞

州

考異曰編遺錄六月乙丑李罕之疾甚請歸河陽丁卯上令抽大軍週以丁會權制置於上黨上乃東歸不言遣從周入潞

薛平正五代史梁紀六月帝表丁會為潞州節度使以李罕之疾亟故也又遣葛從周由因銜路入于潞州以援丁會梁實錄後唐

唐紀七十七 十六 恩福

既卒復召會守河陽以從周代之不可知也今因會續路終言之

以西川大將王宗佶爲武信節度使

王妻之請也

宗佶本姓甘洪州

人也 丁丑李罕之薨于懷州 係義節度使王琪性猜忍雖妻

子親近常不自保至是軍亂爲麾下所殺

僖宗中和初王重盈領陝將子洪至是而亡

推都將李璠爲雷後 秋七月朱全忠海州戍將陳漢賓請降于

楊行密淮海遊弈使張訓以漢賓心未可知與漣水防遏使廬江

王綰將兵二千直趣海州遂據其城

楊行密自此遂有海州

加荆南節度

使成汭兼中書令 馬殷遣其將李唐攻道州刺史蔡結聚羣蠻

伏兵于隘以擊之大破唐兵唐曰蠻所恃者山林耳若戰平地安

能敗我乃命因風燔林火燭天地羣蠻驚遁遂拔道州擒結斬之

朱全忠召葛從周於潞州使賀德倫守之八月丙寅李嗣昭引

兵至潞州城下分兵攻澤州己巳汴將劉玘棄澤州走河東兵進

拔天井關以李存璋爲澤州刺史賀德倫閉城不出李嗣昭日以

鐵騎環其城捕芻牧者附城三十里禾黍皆刈之乙酉德倫等棄

城皆遁趣壺關九取志壺關縣在潞州東二十五里河東將李存審伏兵邀擊之殺

獲甚眾葛從周以拔兵至聞德倫等已敗乃還九月癸卯以鳳

翔節度使李茂貞爲鳳翔彰義節度使是年春正月朱全忠表張何爲彰義節度使張氏鎮

涇州凡三帥矣今命李茂貞兼領之李克用表汾州刺史孟遷爲昭義留後爲孟遷以

潞州叛李克用張本當是時朱全忠盡有河朔一境之地潛青節度使王師範以沂密內叛

王師範亦附嚴焉若沂密內叛將安歸邪又乞師於楊行密此事實考冬十

月行密遣海州刺史臺濛副使王綰將兵助之拔密州歸於師範

將攻沂州先使覘之曰城中皆偃旗息鼓縮曰此必有備而救兵

資治通鑑補卷二百六十一 唐紀七十七 十九

近不可擊也諸將曰密已下矣沂何能爲縮不能止乃伏兵林中

以待之諸將攻沂州不克救兵至引退

此救兵果誰兵歟

州兵棄之縮發

伏擊敗之

十一月陝州都將朱簡殺李璠自稱留後附朱全忠

仍請更名友謙預於子姪

朱全忠又兼有陝虢

加忠義節度使趙匡凝兼

中書令

馬殷遣其將李瓊攻郴州執陳彥謙斬之進攻連州魯

景仁自殺湖南皆平

馬殷始盡有湖南之地

十二月加魏博節度使羅紹

威同平章事